

K2 組 （指定誦材）

（一）

《黃鶴樓送孟浩然之廣陵》

李白

故人西辭黃鶴樓，
煙花三月下揚州。
孤帆遠影碧空盡，
唯見長江天際流。

（二）

《送元二使安西》

王維

渭城朝雨浥輕塵，
客舍青青柳色新。
勸君更盡一杯酒，
西出陽關無故人。

（三）

《同李十一醉憶元九》

白居易

花時同醉破春愁，
醉折花枝作酒籌。
忽憶故人天際去，
計程今日到梁州。

（四）

《送柴侍御》

王昌齡

流水通波接武岡，
送君不覺有離傷。
青山一道同雲雨，
明月何曾是兩鄉。